

唐
音
統
籤

丁籤一百三十四

唐音統籤卷

五百四

李紳字公垂潤州人貌眇小而精悍鄉賦時即有
能詩名元和初登進士第辟李錡幕錡抗命不為
草表幾見害穆宗召為翰林學士與李德裕元稹
同署號三俊為李逢吉所構貶端州司馬後量移
歷河南尹武宗朝拜兵部侍郎同平章事出鎮淮
南卒紳以文藝節操顯稱致位宰輔罹黨禍沒後
復追論削官云今彙紳詩為一卷追昔遊詩三卷
紳所自次另為編合四卷據言云紳初以古風求
其間農詩曰此人必為卿相果如其言白樂天
詩苦教短李伏歌行注云李二十紳嘗自負歌行

近見余集府五十首默然心伏元微之詩李多
咽短短注云李二十多咏物之作今咏物詩藥亡

古風二首

春種一粒粟秋成萬顆子四海無閑田農夫猶餓
死鋤禾日當午汗滴禾下土誰知盤中食粒粒皆辛
苦

奉酬樂天立秋日有懷見寄

深夜星漢靜秋風初報涼
空階漸瀝響露葉參差
光冰兔半升魏銅壺微漏長
薄帷乍飄捲襟帶輕
搖揚北除魂夢靜斜月滿軒房
屣履步前楹劍戟

森在行重城宵正分號鼓互相望獨坐有所思夫
君鸞鳳章天津落星河一葦安可航龍泉白玉首
魚服黃金裝報國未知效維鷄徒在梁徘徊顧戎
旗嶺氣生東方衰葉滿攔草斑毛盈鏡霜羸牛未
脫轅老馬強騰驤吟君白雪唱慚媿巴人腸

賦月

墮王起集

鶯鶯歌

伯勞飛遲燕飛疾垂楊綻金花笑日綠窻嬌女字
鶯上金雀姬鬟年十七黃姑上天阿母在寂寞霜
姿素蓮質門掩重閨蕭寺中芳草花時不曾出

樂天藏文集東都聖善寺刻石為記因成四
韻以美之

寄玉蓮花藏絨珠貝葉高院閑容容讀講倦許僧
聰部列雕金榜題存刻石銘永添鴻寶集莫離小
乘經

山出雲

香靄祥雲起飄颻翠嶺新瑩峰開石秀吐葉間松
春林靜翻空少山明度嶺頻迴崖時掩鶴幽澗或
隨人姑射朝凝雪陽臺晚伴神悠悠九霄上應坐
玉京賓

上黨奏慶雲見

飛龍久馭宇真氣尚興雲五色傳嘉瑞千齡表聖
君從風忽蕭索依漢更氤氲影徹天初霽光鮮日
未曛表祥來自遠垂化聚還分寧作無依者空傳
陶令文

華山慶雲見

聖主祠名岳高峯發慶雲金柯初繚繞玉葉漸氛
氲氣色含珠日晴光吐翠霧依條來鶴態翳歸列
仙群萬樹流光影千潭寫錦文蒼生欣有望祥瑞
在吾君

華頂

款向仙峰煉九丹，獨瞻華頂禮仙壇。
石標琪樹凌空碧，衣掛銀河映月寒。
天外鶴聲隨絳節，洞中雲氣隱琅玕。
浮生未有從師地，空誦仙經想羽翰。

見天

台勝
頌錄

江南暮春寄家

洛陽城見梅迎雪，魚口橋逢雪送梅。
劍水寺前芳草合，鏡湖亭上野花開。
江鴻斷續翻雲去，海燕差池拂水迴。
料得心知寒食近，潛听喜鵲望歸來。

欲到西陵寄王行周

西陵沙岬迴流急船底黏沙去岸遙驛吏遞呼催
下纜棹卽閑立道齊橈猶瞻伍相青山廟未見雙
童白鶴橋欲責舟人無次第自知貪酒過春潮

和晉公三首

鳳儀常款附敕力自知微願假罇壘末膺門自此
依

貂蟬公獨步鴛鴦我同群揅羽光飛酒交鋒便著
文

窮陰初莽蒼離思漸氛氲殘雪平橋岬斜陽伊水
濱

江亭

瘴江昏霧連天合欲作家書更斷腸今日病身悲
壯候豈能葬骨向炎荒

端州江亭得家書二首

雨中鵲語喧江樹風處蛛絲颺水潄開拆遠書何
事喜數行家信抵千金
長安別日春風早嶺外今來白露秋莫道淮南悲
木葉不聞搖落更堪愁

憶漢月

花開花落無時節春去春來有底憑燕子不藏雷

不整燭烟昏霧暗騰騰

贈韋金吾

自報金吾主禁兵腰間寶劍重橫行接輿也是狂
歌客更就將軍乞一聲

荅章孝標

據言云神鎮揚州孝標及第後寄詩云及第全勝十政官金鞍鍍了

出長安馬面漸入揚州郭為報時人洗眼看神以一絕歲之

假金方用真金鍍若是真金不鍍金十載長安得
一第何須空腹用高心

柳二首

陶令門前骨接籬亞夫營裡拂朱旗人事推移無

舊物年年春至綠絲垂

千條垂柳金絲日煖牽風葉學眉愁見花飛狂不

定還同輕薄五陵兒

朱槿花

瘴烟長煖無霜雪槿豔繁花滿樹紅每嘆芳菲四
時厭不知開落有春風

紅蕉花

紅蕉花樣炎方識瘴水溪邊色最深葉滿叢深殷

似火不惟燒眼更燒心

一作燒身

至潭州聞猿

昔陪天上三清客今作端州萬里人
湘浦更聞猿夜嘯斷腸無淚可霑巾

聞猿

見說三聲巴峽深此時行者盡霑襟
端州江口連雲處始信哀猿傷客心

龜山寺魚池

雲谿友議云先是元相公廉察江東修龜山寺魚池放生戎其

無得垂釣後李公到鎮遊寺觀元公之詩笑曰僧有漁罟之事必投於鏡湖後有犯不忍復為二絕示之

剃髮多緣是代耕好聞人死惡人生
祇園說法無高下爾輩何勞尚世情

汲水添池活白蓮
十千髻鬢盡生天
凡庸不識慈悲意
自葬江魚入九泉

句

君咏風月夕
余當童稚耳
閑窓讀書罷
偷詠左司

篇

韋應物為滁州刺史有登北樓詩伸後

未平

人睚眦誰懼鬼
揶揄

海錄碎事

鸛鵒山頭片雲晴
揚

州城裏見潮生

揚州志

丁籤

一百三十四

李紳之二

唐音統籤卷

五百四十一

追昔遊詩序

追昔遊詩序蓋嘆逝歲時發於悽恨而作也或長句

或五言或詩或雜言或歌或吟或樂府齊梁不一其辭

乃由帝恩所屬尔起梁漢歸諫垣升翰苑感思過

歌帝京風物適詠邪搖越歷荆楚涉湘沅逾嶺嶠

抵荒陬止高要移九江泛五湖過鍾陵汴荆江守

滁陽轉壽春改賓客留洛陽歷會稽遇梅里遣諫

者再為賓客分務歸東周擢川守鎮太湖梁詞有所

懷與生於怨故或憶或頌不常其言真知音于異

時而已開成戊午歲秋八月日紳叙

譜李公密此編成於將還朝嚮用之歲追念遷謫後

所歷外轉官地棠次所為詩一生遭被黨陷揣越

升沉之樂畢格焉間嘗參考史傳無弗合者爰譜

其歲月以便讀若檢求若如宋賢序錄律以高人

淡懷謂不免夸徇世榮則非余所暇論也已己夏

五震亨記自元和元年登第補國學及從事浙西李尉幕元

李紳之

十三年追昔遊中無詩詩自元和十四年至開成

四年戊午正月九日二十一年

憲宗元和十四年辟山南觀察判官是年徵拜右

拾遺有南梁行

元和十五年正月穆宗即位召入翰林充學士知

制詔時與李德裕同拜

穆宗長慶元年三月改司勳員外郎

二年二月起拜中書舍人並兼內職如故先是元

和十二年李道吉與裴度不叶罷相至是逢吉入

為兵部侍郎即與度搆度罷而逢吉代相紳論列遷

吉恨之是秋改御史中丞離職德裕亦出

三年逢吉出紳江西北觀察使中旨留為戶部侍郎

四年正月敬宗即位貶仲端州司馬初穆宗寢疾

紳與裴度嘗有疏請立帝為嗣至是逢吉使王守

澄誣奏仲勸立誤王興其黨入閤諸子助之故有

是敗後帝于禁中檢得仲疏獲保全有趙翰苑遭

誣搆以下詩

敬宗寶曆元年量移江州長史有移九江以下詩

二年度復相逢吉罷

文宗太和元年遷滁州刺史有守滁陽以下詩

四年轉壽州刺史有轉壽春以下詩
 六年遷太子賓客分司東都觀使有奉詔除浙
 七年起為檢校左常侍浙東觀察使有奉詔除浙
 東觀察以下太子賓客分司東都北歸宿人王寺
 九下復以太子賓客分司東都北歸宿人王寺
 開成元年時李宗閔相德裕罷東都北歸宿人王寺
 度使有拜三川守川下詩是年德裕亦起
 四年就加檢校兵部尚書追晉趙詩訖起
 五年武宗即位德裕自淮南節度入相事代任會
 昌元年由淮南入為兵部侍郎同平章事改中書
 侍郎累遷守右僕射門下侍郎封趙國公四年罷
 為淮南節度使六年薨是年武宗崩德裕罷相李
 宗閔之黨發帥鎮淮南論殺江都尉吳湘福事以
 帥為承德裕旨貶
 德裕追削紳三官

南梁行

江城鬱鬱春草長悠悠漢水浮清光
 雜英飛盡空

畫景綠楊陰重官舍靜此時醉客縱橫書公言可

薦承明廬

元和十四年蒙故山南僕射崔公奏請觀察判官蒙以書奏見委常殿批連青

天詔下寵光至頌籍金閨徵石渠

是歲五月蒙重

歸山路烟嵐隔山木幽溪晚花拆澗底紅花奪火

燃搖風扇毒愁行客

駱谷中多毒樹名山琵琶其花明艷與杜鵑花同然者識

之言早

杜鵑啼咽花亦殷聲悲絕艷連空山斜陽

瞥映淺溪樹雲雨翻迷崖谷間山雞錦質矜毛羽

透竹穿蘿命儔侶喬木幽谿上下同雄雌不惑

一作

異飛棲處望秦峰迥過商顏浪疊波堆萬簇山行

盡杳冥青嶂外九重鐘漏紫烟間元和列侍明光

殿諫草初焚市朝變北闕
趨承半隙塵南梁吟嘯
皆飛霰追思感歎却昏迷
霜鬢愁吟到晚難故篋
歲深開斷簡秋堂月曉掩
遺桂鳴_上曉角霞輝燦
撫劍當楹一長嘆蜀狗無
由學聖賢空持感激終
昏旦

趙翰苑遭誣構四十六韻

九五當乾德三千應瑞符
纂_上光昌聖歷宗禹盛丕

圖

穆宗正
月登位

畫象垂新令消兵易舊謨
選賢方法智

招諫忽升愚

穆宗聽政五日蒙恩除右拾
遺與淮南李公召入翰林也

大樂調

元氣成功運化鑪脫鱗趨沆瀣
翮翼集蓬壺捧日

恩光別袖毫顧問殊鳳形憐彩筆龍顧借驪珠擲

地聲名寡摩天羽翮孤潔身酬雨露利口扇說諛

碧海同宸眷鴻毛比賤軀辨疑分黑白舉直能朋

徒恩政而論途言崔積奸邪劉拙楚庭獸方呈角

階莫始效掌日傾烏掩魄星落斗摧樞穆宗墜劍

悲喬岳號弓泣所湖亂群進害馬釋肉縱狂軀進

守港栖楚相者又新胆為墮肝竭心因灑血枯滿

帆推駭浪征棹折危途余口戶部侍郎燕客書方

詐堯門信未孚敬宗即位之初遭逢言詩謗興金

就錄毀極玉生瘡礪吻矜先穉張羅騁疾驅敬宗

見福
遂楚
吉

瘴嶺衝蛇入蒸池躡龍趨望天收雪涕看

鏡攬霜鬢草毒人驚剪茅荒室未誅火風晴處扇

山鬼雨中呼窮老鄉閨遠羈愁骨肉無鵲靈窺牖

戶龜瑞出泥途
余到瑞州有紅慈一州人李再榮
來獻瑞州有里人言言微也余故

中之
于江
鵲名
曰頭
鵲小
如燕
雀坐
中言
此鳥
不常
見

日與龜司至子館也
至干鳴舞必有喜應
是烟島深千嶂滄波淼四隅

海標傳信使江梅認妻孥到接三冬暮來經六月

相暗灘潮不怒驚瀨夜無虞

其名有城門橋鮮霸州寺灘淮江水泛漲則無此患
康州悅縣有強龍祠或能致雲雨余以書祝

之家累以十月游龍
為之三漲江水以連也
倪首安羸業齊眉慰病夫

涸魚思雨潤僊燕望雷
蘓詔下曰頌朔思移詎省

事余以望曆元正五詎天猶指鹿依社尚憑狐造

相尚為度嶺瞻牛斗浮江淬轆轤未平人眊眊誰懼

鬼柳榆湓浦潮通楚匡山地接吳庾樓清桂滿遠

寺碧蓮敷髣髴皆停馬悲歡盡隙駒暫交封宿草

沈八侍即武十五侍即元衰髮重生留萬戟分梁

苑雙旌寄魯儒駸移歲月并近桑榆疲馬愁

千里孤鴻念五湖終常賦歸去那更學揚朱

憶春日太液池東亭候對

長慶三年

宮鶯晚報瑞烟開三島靈禽拂水迴橋轉彩虹當
綺殿檻浮花鷁近蓬萊草承步輦王孫長桃艷仙
顏阿母栽簪筆此時方侍從却思金馬咲鄒枚

憶夜直金鸞殿承旨

月當銀漢玉繩低
深聽簫韶碧落齊
門壓紫垣高綺樹
閣連青瑣近丹梯
墨宣外渥催飛詔
草定新恩促換題
明日獨歸花路遠
可憐人世隔雲霓

憶春日曲江宴後許至芙蓉園

春風上苑開桃李
許詔看花入御園
香遙草中迴玉勒
鳳凰池畔凌金樽
綠絲垂柳遮風暗
紅藥低

叢拂砌繁歸繞曲江烟景晚未央明月鎖千門

新昌宅書堂前有藥樹一株今已盈拱長慶
中于翰林院內西軒藥樹下移得總長一寸
僕夫封一泥丸歸植今則長成名之天上樹
白榆星底開紅甲珠樹宮中長紫梢丹彩結心緯
辨質碧姿抽葉乍舒條羽衣道士偷玄圃金簡真
人護玉苗長帶九天餘雨露近來葱翠欲成喬

過荆門

荆江水濶烟波轉荆門路遠

一作遠

山蔥蒨帆勢侵

雲滅人明山程背日昏還見青青麥隴啼飛鴉寂

冥野徑棠梨花行行驅馬萬里遠漸入烟嵐危棧
餘林中有鳥飛出谷月上千岩一聲哭腸斷思歸
不可聞人言恨魄來已蜀我聽此鳥祝我魂我死
勿學聲嘶冤縱為羽族莫栖息直上青雲呼帝閭
此時山月如啣鏡岩樹參差互輝映皎潔深看入
澗泉分明細見樵人逕陰森鬼廟當郵亭雞豚日
宰聞糟腥愚夫禍福自迷惑魍魎憑何通百靈日
低山曉問行客已酬枅漿拜荒陌惆悵忠貞徒自
持誰祭山頭望夫石

涉沅湘

屈原死處瀟湘陰
滄浪淼々雲沉沉
蛟龍常怒虎

長嘯山木

水一作

悠悠波浪深
烟橫日落驚鴻起
山

映餘霞香千里
鴻叫離々入暮天
霞消漠々深雲

水水虛江暗揚波
濤電颺動盪風騷々
行人愁望

待明月星漢沉浮
張鬼邪屈原爾為懷
忠沒水府

通天化靈物何不
驅雷擊電除奸邪
可憐空作沉

泉抱冤骨舉杯瀝
酒招爾魂月彩滉漾
開乾坤波

明水黑山隱見汨
羅之上遙昏昏風帆
候曉看五

兩戍鼓鼙々遠山
魯潮湍江津猿鳥啼
荆夫楚語

飛蠻槩瀟湘島浦
無人居風驚水暗惟
蛟魚行來

擊棹獨長嘆問爾精魂何所如

逾嶺嶠止荒陬抵高要

天將南北分寒燠北被羔裘南卉服寒氣凝為戎
虜驕炎蒸結作虫虺毒周王止化惟荆蠻漢武鑿
遠通孱顏南標銅柱限荒徼五嶺從茲窮險難衝
山截斷尖方北迴雁峰南瘴烟黑萬壑奔湯溢作
瀧湍飛浪激如繩直南人謂水為瀧如懸瀑流目
柳南至韶北有八瀧其名神
瀧傷瀧難附等瀧皆急陰不可上南中輕舟迅
疾可入此水皆因名之瀧舡善游者為瀧夫千
崖傍聳猿嘯悲丹蛇玄虺潛蛇螭瀧夫擬楫劈高
浪瞥忽沉浮如電隨崩頭竹刺蒙龍密火拆紅蕉

焰燒日嶺上泉分南北流行人照水愁傷骨陰森
石路盤縈紆雨寒日煥常斯須瘴雲暫卷火山外

蒼茫海氣窮番禺鷓鴣猿鳥聲相續稚髻曉呼同

威促百處谿灘異雨晴四時雷電迷昏旭魚腸雁

足望緘封地遠三江嶺萬重魚躍宣通清遠峽鴈

飛難渡瘴江東

余在南中時知家累以其年九月九日發衡州因寄詩云云慨然追

感川說其後

瑞州界有清遠峽深險

雲蒸地熱

無霜散桃李冬花匪時變天際長垂飲澗虹社前

不去銜泥燕

南中虹四時長見數則多戰風燕不歸壑燕泥多沙人照其沾污每逐

其巢也

幸逢雷雨過妖昏提挈悲歡出海門西日眼

明看少長北風身醒辨寒溫賈生謫去因前席痛
哭書成竟何益物忌忠良表是非朝驅絳灌為仇
敵明皇聖德異文皇不使無辜因鬼方漢日傳臣
終棄棄如今衰叟重輝光高明白日恩深海齒髮
雖殘壯心在空媿驚駘異一毫無令朽骨慙千載
菊花開日有人遙知寓衡陽回鴈峰江樹送秋黃
葉少海天望遠一作望白雲重音書斷連聰鑾鵲風
水多虞禱媼龍想見病身渾不識自磨青鏡照衰
容

寄家累
衡州詩

移九江

數何水部余有九
江及今周一紀矣

秋波入白水帆去侵空島五兩劇奔星檣烏疾飛
鳥盆城依落日盆浦看雲眇雲眇更蒼々匡山低
夕陽楚客喜風水秦人悲異鄉異鄉秋思苦江皋
月華吐漾々隱波亭悠々通月浦津橋歸候吏竹
巷閑門戶容膝有匡床及肩纔數渚隙光非白駒
懸磬我無虞體瘦寡行立家肥安暇哺天書憐護
謫重作朱幡客四座眼全青一麾頭半白今來思
往事往事益淒然風月同今昔悲歡異目前四時
嗟閱水一紀換流年獨有西庭鶴孤鳴白露天

泛五湖

效謝惠連

范子蛇冠履扁舟逸霄漢嗟余抱險難怵惕經瀾
漫窮通泛濫勞趣適殊昏旦浴日盪層空浮天森
無畔依灘落葉聚立浦驚鴻散浪疊雪峰連山孤
紫一作翠岬斷風帆同巨壑雲矗成高岸宇宙或東
西星辰沉燦爛霞生瀕洞遠月吐青熒亂豈復問
津迷休為呂梁嘆漂沉自詎保覆溺心長判胡越
卽異鄉嬰童反為玩依稀占井邑嘹唳同鵝鵲舉
棹未宵分維舟方日旰微斯濟川力若鼓凌風翰
易狎當悔避臨溪罔知難

過鍾陵

余長慶三年除江西
觀察使奉詔不之往

龍沙江尾抱鍾陵水郭村橋晚景澄江對楚山千
里月郭連渙浦萬家燈省拋菱旆辭榮寵邁落丹
霄起愛憎惆悵舊遊同草露却思思顧一沾膺

沂西江

江風不定半晴陰愁對花時盡日吟孤棹自遲從
踏蹬亂帆爭疾競浮沉一身累千載百口無
虞貴萬金空谷遠看波浪息楚山安穩過雲岑

早發

沙洲月落宿禽驚潮起風微曉霧生黃鸝浪明知
上信黑龍山暗避前程火旗似辨吳門戍水驛遙

迷楚塞城蕭瑟更看紅葉下西鄉俱是宦遊情

守滁陽深秋憶登郡城望瑯琊

山城小閣臨青嶂紅樹連宮接薜蘿斜日半岩開
古殿野烟浮水掩輕波菊迎秋節西風急鴈引砧
聲北思多深夜獨吟還不寐坐看凝露滿庭莎

滁陽春懷果園開宴

園中雜樹多手植也

西園到日栽桃李紅白枝低拂酒盃繁艷只愁風
處落醉筵多就月中開勸人莫折憐芳早把燭頻
看畏曉催聞道數年深草露殘株猶得近池臺

悲善才

穆王夜幸蓬池曲金鸞殿開高秉燭東頭弟子曹
善才琵琶請奏新翻曲翠蛾列坐層城女笙笛參
差齊咲語天顏靜聽朱絲彈衆樂寂然無敢舉
花金鳳當承撥轉腕攏絃促揮霍一作抹花翻鳳嘯
自天來徘徊滿殿飛春雪抽絃度曲新聲發金鈴
玉珮相瑤切流鶯子母飛上林仙鶴雌雄咲明月
此時奉詔侍金鑾別殿承恩許占看三月曲江春
草綠九霄天樂下雲端紫髯供奉前屈膝盡彈妙
曲當春日寒泉注射隴水開胡鴈翻飛朔天沒日
曛塵暗車馬散為惜新聲有餘嘆明年冠劍開橋

山萬里孤臣投海畔離

一作竊

禽鍛羽

一作翮

強迴飛白

首生從五嶺歸聞道善才成朽骨空餘弟子奉宣
徽南譙寂寞三春晚有客彈絃獨淒怨靜聽溪奏
楚月光億昔初聞曲江宴心悲不覺淚闌干更為
調絃反覆彈秋風動搖神女佩明珠敲擊水精盤
自憐淮海同沉滓恨魄癡心未能死惆悵追懷萬
事空雍門琴感徒為爾

閨里謠

效古歌

鄉里兒桑麻鬱々禾黍肥冬有縑襦夏有絺兒鋤
弟擗妻在機夜犬不吠開蓬扉鄉里兒醉還飽濁

醪初熟勸翁媪鳴鳩拂羽知年好齊和楊花踏春
草勸年少樂耕桑使君為我剪荆棘使君為我驅
豺狼林中無虎山有鹿水底無蛟魚有魴父漁子
獵日歸暮月明處。春黃梁鄉里兒東家父老為
爾言鼓腹那知生育恩莫令太守馳朱轡懸鼓一
鳴盧鵲喧惡聲主吏噪爾門唧唧力力烹雞豚鄉
里兒莫悲咤上有明王頒詔下重選賢良恤孤寡
春日遲遲驅五馬留犢投錢以為謝鄉里兒終尔
詞我無工巧唯無私舉手一揮臨路岐

轉壽春守

太和庚戌歲二月後命壽陽時替
裴五壩終役因視壁題日自壩而

上或除名在邊坐殿說凡七子無一存焉
壽人多飽盜好新計時謂之凶即續俗特
著蒙此處之頑余哀年甘痛前患俾三月
而罷靜則歲而人和虎不暴物嘉吏屏竄
三載後遣邪債所惡授賓客分司東部或
舉其目或寄于恩亦相維詩人之末云

未登崖谷尋丹竈且歷軒窗看壁題那遇八公生
羽異空悲七子委塵泥舊壇無復翔雲鶴廢壘曾

經振鼓聲點檢遺編盡朝菌應難求望一刀圭

憶壽春廢虎坑

余以春二月至郡主吏舉所

患擇肉于人至春常修偏冥數上所勒獵

者陳其皮時余悉除罷之是歲虎不為害

匪時履尾求競惕那效撰雛所患爭常路絕群嘗

誠暴為猶驅獮亦先迎每催至化宣余力豈用潛
機害爾生休逐豺狼止貪戾好為仁獸答皇明

壽陽罷郡日有詩十首與追懷不殊今編于

後魚紀瑞物

今正八首
疑有缺落

肥河維舟阻凍祇待勅命二首

太和七年十
二月

罷分符竹作閑官舟凍淝河擬棹難食藥苦心甘

處困飲冰持操敢言寒夜燈空應漁家火朝食還

依鴈宿灘西奏血誠遙稽首乞容歸病老江干

淮陽數理空多病疏受辭榮豈戀班陳力不任趨

北闕有家無處寄東山疲驂豈念前程脫倦鳥安

丁籤

一百三十四

李紳之三

唐音統籤卷

五百四十二

七年初到洛陽寓居宣教里時已春暮而四
老俱在洛中分司

青莎滿地無三徑白髮簪頭忝四人官職謬齊商
嶺客姓名那重漢庭臣聖朝寡罪容衰齒恩叟多
慚未退身惟有門人憐鈍拙勸教沉醉洛陽春

初秋忽奉詔除浙東觀察使檢校右貂

龍樓寄引簪裾客鳳闕陪趨望朔朝疏受杜門期
脫履買臣歸邸忽乘軺印封龜鈕知頒爵冠飾蟬
綬更珥貂飛詔寵榮歡里舍豈徒斑白與垂髫

憶至鞏縣河宿待家累追懷

鞏樹翻紅秋日斜
水分伊洛照餘霞
弓開後騎低初月
鳴駐前旌拂暮鴉
閨信坐遲青玉接
弄兒閑望白羊車
今來憶事涼風晚
烟浦空悲黃菊花

宿揚州

江橫渡澗烟波晚
潮過金陵葉落秋
嘹唳塞鴻經楚澤
淺深紅樹見揚州
夜橋燈火連星漢
水郭帆檣近斗牛
今日市朝風俗變
不須開口問迷樓

憶被牛相留醉州中時無他賓牛公夜出真

珠輦數人

余有換樂曲詞時
小有傳于歌者

嚴城画角三聲閉清宴金尊一夕同銀燭坐隅聽
子夜寶箏絃上起春風酒微醺對慙衰質曲換新
詞感上公淮海一從雲雨散杳然俱是夢魂中

早渡揚子江

時王瑞在浙西

日衝海浪翻銀屋江轉秋波走雪山青障迴開蹲
虎戎碧流潜伏躍龍關地分吳楚星辰內水迫滄
浪宇宙間焚却戍船無戰伐使知風教被烏蠻

憶過潤州

元和二年余以前進士為鎮海軍

書奏飛檄之請遣度人李錡暴怒腰領不從
練者再三後軍平尚書李公欲其事以聞
之余以本乃誓節非
欲求樂請罷所奏

昔年從宦干戈地黃綬青春一魯儒
弓犯控弦招武旅劍當抽匣問征夫
帛書投筆封魚腹玄髮衝冠捋虎鬚
談笑謝金何所媿一作貴不為偷買用兵符

憶登棲霞寺峰

教果簡文

香印烟火息法堂鐘磬餘紗燈耿晨暄
釋子安禪居林葉脫紅影竹烟含綠濡
踈星珠錯落耀月宇參差顧眺匪恣適
曠襟懷卷舒江海森清盪丘陵何所如
滔滔可問津耕者非長沮茅嶺感仙客
蕭園成古墟移步下碧峰涉澗更躊躇
踏鳥戲咏秋果

翠鷺啣素魚迴塘來彩鷁落景標林筵漾棹翻
月蕭蕭風襲裾勝歌起舊思感歎竟誰據却數共
遊者凋落非里閭

憶萬歲樓望金山

里言金山有龍盤護吳志云金陵虎據又云萬歲樓

往年清夜浮于江中有宿樓者覺之金鑲縑于城上

樓高雉堞千師疊峰拔驚波萬壑攢山絕地維消
虎據水浮天險尚龍盤蜃嘘雲拱飛江島鰲噴仙
岩隔海瀾長對碧波臨古渡幾經風月與悲歡

過梅里七首

家於無錫四十載敵虛數
堵犹存今歷踰於後

上家山

余頃居梅里常于惠山肄業爲舍
犹在垂白重道追感多思因敘吳

體均

上家山家山依舊好昔去松桂長今來容鬢老上
家山臨古道高低入雲樹蕪沒連天草草色綠萋
萋寒蒼偏早啼噪鴉啼樹遠行鴈帖雲齊岩光翻
落日僧火開經室竹洞磬聲長松樓鐘韻疾苔堦
泉溜缺石甃青莎密舊徑行處迷前交坐中失嘆
息整華冠持盃強自歡咲歌憐稚孺絃竹縱吹彈
山明溪月上酒滿心聊放邕髮此淹留垂絲匪開
曠青山不可上昔事還惆悵况復白頭人追懷空
望望

憶東郭居 效丘遲

昔余過稚齒從師昧知與徒懷利物心不獲藏身
寶屐履一縫掖出處勞昏早醒醉 吸哺衣裳辨
顛倒忠誠貫白日直已憑蒼昊卷舌墮諛諛驚波
息行潦衰禽識舊木疲馬知歸道楊柳長庭柯蘭
荃覆堦艸旌旄光里舍騎服歛妻嫂綠鬢絕新知
蒼鬚稀舊老冠綰身忝貴齋沐心常禱笙歌諒和
諧庭除還洒掃栖遲還竹巷物役侵江島倏忽變
星霜悲傷滿懷抱

憶題惠山寺書堂

故山一別光陰改秋露春風歲月多松下壯心年
少去池邊衰影老人過白雲生滅依岩岫青桂榮
枯託薜蘿惟有此身長是客又驅旌旆寄烟波

憶西湖雙鷗鵲

效鮑明遠

雙鷗鵲錦毛斑斕長比翼戲繞蓮葉迴錦臆照灼
花叢西相得漁歌驚起飛南北繚繞追隨不迷惑
雲間上下同栖息不作鷺禽遠相憶東家少婦機
中語剪斷迴文泣機杼徒嗟孔雀銜羽毛一去東
南別離苦五里徘徊竟何補

早梅橋

早梅花滿枝發東風報春春未徹紫萼迎風玉珠
裂楊柳未黃鶯結舌委素飄香照新月橋邊一樹
傷離別道行人莫攀折不競江南艷陽節任落
東風伴春雪

悲翠塢

翡翠飛上繞蓮塢一啄嘉魚一鳴舞蓮莖觸散蓮
葉欹露滴珠光似還浦虞人掠水輕浮弋翡翠驚
飛飛不息直上層空翠影高還向雲間變比翼彈
射莫及弋不得日莫虞人空嘆息

憶故鵲

當年無錫閑居里人獻鵲雛余馴
養之周嚴羽毛既成見其宛頸長

鳴有烟霄之志開籠放之一舉冲天復迴翔久之乃去

羽毛似雪無瑕點顧影秋池舞白雲閑整素儀三
島近迥飄清唳九霄聞好風順舉應摩日逸翻將
翔莫戀群凌厲坐看空碧外更憐鳬鷺老江濱

遇吳門

二十四韻

烟水吳都郭閣門架碧流綠楊深淺巷青輪往來
舟來戶千家室丹楹百廡樓水光搖極浦草色辨
長洲憶作麻衣客曾為旅棹遊放歌隨楚老清宴
奉諸侯貞元中余以布衣多遊吳中韋夏卿首為
知遇常陪宴席段平仲李季何劉從周幕
正歲于餘華日同杯酒及余以太和七年
籍則當時賓客群吏索徒寺僧里客無一人存者

至于韋公子弟
花寺聽鶯入春湖
看鴈留里吟傳

綈唱鄉語認歛謳
橋轉攢虹影波通
闔鷁浮竹扉

梅圃靜水檻橘園
幽縫堵荒廬苑穿
岩破虎丘舊

風猶越鼓餘俗尚
吳鉤故館曾閑訪
遺踪亦徧搜

吹臺山木盡香徑
佛宮秋帳殿菰蒲
掩雲房霧露

收葶薶妖覆城宋本作廢
荊棘虺包羞風月
俄黃綬經

過半白頭元和七年余以校書郎從役再至荊州時范十五傳正為郡而貞元中賓客散

落半已殂謝及安而伶人酒徒意無
重來冠蓋客

非復別離愁太和七年余鎮會稽劉禹錫為郎則

畫河柳衰謝色居更
候火分隨陌前旌駐外郵水

風搖絲柳堤柳引鳴驕問吏兒孫隔呼名禮敬修
顧瞻殊宿昔語嘿過悲憂義感心空在容衰日易
偷還持滄海詔從此布皇猷

過杭州

杭州天竺靈隱二寺頃歲亦布衣一

不復到寺中多樣樣謂之孫圖
弭長其類同追思為詩二首

翠岩幽谷高低寺十里松風碧障連開盡春花芳
草澗徧通秋水月明泉石文照日分霞壁竹影侵
雲拂暮烟時有猿猱擾鐘磬老僧無復得安禪
人烟不隔江城近水石雖深海氣清波動只觀羅
刹相靜居難識梵王心魚扁畫鏤龍宮寶鴈塔高

摩欲界金近日猶聞重雕飾世人遙禮二檀林

渡西陵十六韻

七年冬十月三日早渡浙江

人年數未成當兩不止田畝浸溢水不及
穗者數寸余至兩命押衙裴行宗光霽祝
慈東望拜大禹廟且以百姓請命而收雲
息日朗者三旬有五旬刈穫皆早有以見
神之不欺也

兩送奔濤遠風收駭浪平截流張旆影分岸走輦
聲獸逐銜波湧龜鰲噴掉輕海門凝霧暗江渚濕
雲橫鴈翼看舟子魚麗辨水營騎交遮成合戈簇
擁沙明謬履千夫長將詢百吏情下車占黍稷冬
兩害業盛望禱依前聖垂休冀後生半江猶慘淡

全野已澄清愛景三晨朗祥農萬庾盈浦程通曲
嶼海色媚重城弓日鞭縶動旗風虎豹爭及却揮
白羽入里卷紅旌愷悌思陳力瑞莊異表誠臨人
興安俗非正奉師貞

新樓詩二十首

劉趙州日初引家累登新樓
望疏湖見元相微之題壁詩
云我是玉京天上客謫居猶得小蓬萊四
面尋常對屏障一家終日在樓臺微之與
樂天此時只隔江津日有所和相答時余
移官九江各垂音問頃在趙之日荏苒多
政未能書壁今追思
為新樓詩二十首

新樓

戎容罷引旌旗卷朱戶褰開雉堞高山聳翠微連

郡閣地臨滄海接靈螯坐疑許宅驅雞犬咲類樊
妻化羽毛惆悵桂枝零落促莫思方朔種仙桃

海榴亭

在新樓北花開
最早所望更高

海榴花早開繁蕊光照清霞破碧烟高近紫霄疑
萼萼迥依江月半婢娟懷芳不作翻風艷別夢猶
含泣露妍搖落舊叢雲水隔不堪行坐數流年

望海亭

在卧龍山頂上
越中最高處

鳥盈兔歛天涯迥鶴背松梢拂檻低湖鏡坐來看
匝滿海濤生處辨雲齊夕嵐明滅江帆小烟樹蒼
茫客思迷蕭索感心俱是夢九天應共草萋萋

杜鵑樓

七年冬所造自西軒延架城隅樓前植杜鵑因以為名燕遊多在上

杜鵑如火千房折丹檻低看晚景中繁艷何人啼
宿露落英飄砌怨春風早梅昔待佳人折好月誰
將老子同惟有此花隨越鳥一聲啼處滿山紅

湍桂樓

八年春造架樓州城西南臨眺于外盡見湖山別開水扉通杜鵑樓不啟重局清夜可以閑宴日以滿桂為名也

為憐湖水通宵望不學樊楊却月樓惟待素規登
滿鏡莫看纖魄桂如勾卷簾方影侵紅燭繞竹斜
暉透碧流蕭瑟曉間風木落此時何似洞庭秋

東武亭

亭在鏡湖上即元相所建亭至宏敞春秋為競渡大會之所余增

以板檻延入湖中足
加步廊以別環衛

綠波春水湖光滿
丹檻連楹碧嶂遙
蘭鷁對飛魚
棹急彩虹翻影海
旗搖闕疑斑虎歸
三島散作遊
龍上九霄
麗鼓若雷爭勝負
柳堤花岬萬人招

龍宮寺

此寺摧毀積歲貞元十六年余為
布衣來遊天台故人江西觀察使

崔公以殿中謫官移疾割溪崔公坐中
有僧人曰修真自言居龍宮寺起謂蔡
言異日必當鎮此為修此寺時以狂易
之言予不之應僧相視久之而退至元
和三年余以前進士為故薛萃常侍招
至越中此僧已卧疾使門人相告翼日
所言必當願此修寺之記幸勿見忘僧
言寺中有靈祇所相告耳余問疾已不
能對及後符其言而訖其存歿則僧及
門人悉已殂謝寺更頽毀惟荒基而已

余曰召僧會真出俸錢為葺之累月而畢以成其往願也

銀地溪邊過衲師咲將花宇指潛知定觀玄度生

前事不道靈山別後期高僧傳許詢與沙門曇秀

後身為蕭容鎮越州彦長年及見之呼之曰許玄

然悟真相有無因色界化城興滅在蓮基好令滄

海龍宮子長護金人舊浴池

禹廟

削平水土窮滄海一作紅鍾東南盡會稽山擁翠屏朝

玉帛冗通金闕架雲霓一作紅祕文鏤石藏青壁寶檢封

雲化紫泥清廟萬年常血食始知明德與天齊

晏安寺

寺在州城東北隅
越中謂之小北湖

寺溪松徑無塵事
地接荒郊帶夕陽
啼鳥歇時山寂
野花殘處月蒼
絳紗凝燭開金像
清梵消聲閉竹房
丘隴漸平連茂草
九原何處不心傷

龜山

在鏡湖中山形如龜
山上有寺名永安則元
相所移置者

一峰凝黛當明鏡
千仞喬松倚翠扉
秋月滿時侵兔魄
素波搖處動龜形
舊溪崖谷藏仙島
新結樓臺起佛局
不學大蛟憑水恠
等閑雷雨害生靈

重臺蓮

綠荷舒卷涼風曉
紅蕖開榮紫萼重
游一作女漢

臯爭咲臉二妃湘浦對一作並愁容自含秋露貞姿

結一作潔不競一作晚春妖冶態穠一作濃終恐玉京仙

子識却將歸種碧池峰

橘園

江城霧歛輕霜早園橘千株欲變金未實摘時天

露一作路近素英飄去海雲深詎同枳棘愁遷徙每

抱馨香委照臨憐蘭結根能自保不隨寒暑換貞

心

寒林寺寺在城郭最巖頗虛自有一峯巖壑皆入寺中

最深城郭在人烟疑借壺中到梵天岩樹桂花開

月殿石樓風鐸繞金仙地無塵染多靈草室鑒真
空有定泉應是法宮傳覺路便無煩惱見青蓮

北樓櫻桃花

開花占得春光早雪綴雲裝萬萼輕凝艷折時初
照日落英頻處乍聞鶯舞空柔弱看無力帶月蔥
龍似有情多事東風入閨闥盡飄芳思委江城

城上薔薇

薔薇繁艷滿城陰爛熳開紅次第深新蕊度香翻
宿蝶密房飄影戲新禽竇閨纖婦慚詩句南國佳
人怨錦衾風月寂寥思往事暮春空賦白頭吟

南庭竹

東南舊美凌霜操五月凝陰入座寒
烟惹翠梢含
玉露粉開春
籜聳琅玕莫令戲馬童見見試引為
龍道士看知爾結根香實在鳳皇終擬下雲端

琪樹

琪樹垂條如弱柳結子如碧珠三年
子可一熟每歲生者相續一年採二
年採三年採者紅滋
手條上珠錯相間

石橋峯畔栖玄鶴碧澗岩邊蔭羽人
冰葉萬條垂
碧實玉珠千日保青春月中泣露應同
泥澗底侵
雲尚有塵徒使茯苓成琥珀不為松
老化龍鱗

海棠梨

海棠佳樹生奇彩知是仙山取得栽
瓊蕊籍中聞閨苑紫芝圖上見蓬萊
淺深芳萼通宵換委積紅英報曉開
寄語春園百花道莫爭一作顏色泛金杯

水寺

烟波野寺經過處水國滄茫夢想中
雲散浦開江月迥日曛洲渚海潮通
坐看魚鳥沉浮遠靜見樓臺上下同
閒道化城方便論只應從此到龍宮

靈記橋

靈記橋邊多感傷分明湖派繞廻塘
岼花前後聞

幽鳥湖月高低怨綠楊能促歲陰唯白髮巧乘風
馬是春光何須化鶴歸華表却數凋零念月鄉

若耶溪

西施採蓮歌
古鑄劍所

嵐光花影繞山陰山轉花稀到碧潁傾國美人妖
艷遠鑿山良冶鑄鑪深淩波莫惜臨粧面瑩鐫當
期出匣心應是蛟龍長不去若耶秋水尚沉沉

祭禹廟回降雪五言二十韻

太和八年十月
冬暖無雪自訪

禹廟祈求其日回舟至湖半陰雲四合飛
霞大降者三日積雪盈尺浙江中流乃分
陰雪杭州並無所沾此詩
在越所作今編入卷四

金奏西壇畢同雲拂海來玉田千畝合瓊室萬家

開湖暗水封鏡山明樹變梅裂繒分井陌連壁混
樓臺麻引詩人興鹽牽謝女才細疑歌響盡旋作
舞腰迴著水鵝毛失鋪松鶴羽摧半崖雲掩映常
砌月徘徊遇物纖能狀隨方巧若裁玉花全綴萼
珠蚌盡呈胎志士書頻照鮫人杼正催妬粧凌粉
匣期酒上瓊臺一作杯海使迷奔轍江濤認暗雷疾
飄風作馭輕集霰為媒劍客休矜利農師正念推
瑞彰知有感靈貺表無灾堯曆占新慶虞階想舊
陪粉凝鸞閣下銀結鳳池隈雞樹花驚咲龍池絮
欲猜勞歌會稽守遙祝詠康哉

題法華寺五言二十韻

此一首亦在越所作

以越人題詩者前後皆不稱言今偏于追昔遺卷中寺內瘞禪師草廬持經感普賢見于前記

花界無生地慈宮有相天化城騰寶像留影闕金

仙

寺內同曾賢見身于持後僧前同至此寺

殿湧全

一作生

身塔池開半

月泉十峰排碧落凌澗合清連

寺前後有十峰回繞凌澗合流之

藥草經行徧香燈次第燃戒珠高臘護心印祖僧

傳

此寺僧律嚴肅持經皆承師教

瓶識先羅漢衣存藉福田

寺內有約

法師水瓶梁朝幻身觀火宅昏眼照青蓮住覺超宮人所置衆衆

真境依游渡法船化城殊百億靈跡冠三千蕭壁

將沈影梁薪尚綴烟

寺前昭明太子畫真
又梁時薪火尚在也

色塵知

有數劫爐豈無年龍噴疑通海鯨吞想漏川

寺內有果

朝銅龍吐泉銅鯨
飲水以注瑞院

磬疎聞款梵鐘息見安禪指喻

三車覺開達五陰纏教通方便入心達是非詮貝

葉千花藏檀林萬寶篇坐嚴師子迅幢飾細珠懸

極樂知無礙分明應有緣還將功德意留偈法王

前

西溪叢話寺有泉隱岩下雖月圓池中只見其
跡半月泉伸留題後紹興初為愚充鑿開焉

滿月泉云

丁籤一百三十四李紳之

唐音統籤卷五百四

宿越州人王寺

太和八年自浙東觀察使大除太子賓客分司東都始發

州郭越人父老男女數萬攜壺觴至江津相送

海隅布政慚暮月江上沾巾媿萬人總按簿書懲

點吏未齊風俗昧良臣壺冰自潔中無玷鏡水非

求下見鱗清夜佛宮觀色相却歸前更前身

却渡西陵別越中父老

海潮晚上江風急津吏篙師語默齊傾首奉觴看

故老擁流爭拜見孩提慙非杜母臨窆岷自郤朱

翁別會稽漸舉雲帆烟水潤香然鳬鴈各東西

却到浙西出杭州界入蘇州八年浙西六郡

貴是歲浙東大稔因請出米五萬斛賤估

以救浙西居人認下粟先是歲王璠不奏

飢旱百姓反怨隣境所救以為賣已遂與

王涯合計誣稱罔上奏陳米非官米是私

求利及璠伏誅蒙聖恩加祭奸邪所罔初

入浙西蘇州界吳人以卹災之惠就惧旌

旆留成于迥野之歲不及城郭之所則相

率拜泣于舟楫前是歲盧同仁為州刺史

臨平水竭葭葭死里杜蕭條旅館秋嘗嘆晉郊無

乞糴豈忘吳俗共分憂野悲揚目稱嗟食林拯緊

桑顧所求苛政尚存猶惕息老人偷拜擁前舟臨平

湖竭鄉人言有飢患是

歲中水竭魚鳥皆死

蘇州不住遙望武丘報恩西寺

秋山古寺東西遠竹院松門帳翠同幽鳥靜時侵
徑月野烟消處滿林風塔分朱雁餘霞外剎對金
螭落照中官倫散僚身却累往來慚謝二蓮宮

迴望館娃故宮

江雲斷續草綿連雲隔秋波樹覆烟飄雪荻花鋪
漲渚變霜楓葉卷平田雀愁化水喧斜日鴻怨驚
風叫暮天回問館娃何所恨破吳紅臉尚開蓮

姑蘓臺雜句

臺今遺跡平蕪連接雲岩寺採
香徑警蹕廊皆在寺內越書稱

越王獻吳王黃金錢瑠吳王所造姑蘓臺
回獻榻遂以黃金盡歸樓以破其國

越王巧破夫差國來獻黃金盡雕刻西施醉舞花

艷傾妬月嬌娥恣妖惑姑蘇百尺曉鋪開樓楣盡
化黃金臺歌清管咽歡未極越師戈甲浮江來伍
胥抉目看吳滅范蠡全身霸西越寂寞千年皆古
墟蕭條兩地皆明月靈岩香徑掩禪扉秋草荒涼
徧落暉江浦迴看鷗鳥沒碧峰斜見鷺鷥飛如今
白髮星星滿却作閑官不閑散野寺經過懼悔尤
公程迥覺悲秋館吳鄉越國舊淹留草樹烟霞昔
徧遊雲外夢迴

開元寺石

宋本多感嘆不惟惆悵到長洲
作此寺多太湖石有峰巒奇狀者頃
年多遊寓于此及太和七年往來

皆不復到寺中
石大半亦無也

十層花宇真毫相數仞峰巒閼月扉攢立寶山中
色界散周香海小輪圍坐隅咫尺窺岩壑窻外高
低辨翠微難保爾形終不轉莫令偷拂六銖衣

臯橋

伯鸞憔悴甘飄寓非向囂塵隱姓名鴻鵠羽毛終
有志素絲琴瑟自諧聲故橋秋月無家照舊井寒
泉見底清猶有餘風未磨滅至今鄉里重和鳴

貞娘墓

吳之妓人歌舞有名者死塋于吳武丘寺前吳中少年從其志也墓多荒草以滿其上嘉興縣前亦有吳妓人墓小墓風雨之夕或聞其上有歌吹之音

一株繁艷春城盡雙樹慈門忍草生慙慙自隨風

燭滅愛心難逐雨花輕黛消波月空蟾影歇息梁
塵有梵聲還似錢塘藕小小祇應回首是卿卿

却到無錫望芙蓉湖五首

水寬山遠烟氣迥柳岸縈迴在碧流清晝不風鳬
鴈少却疑初夢鏡湖秋

丹橘村邊燭

一作烟

大嶽碧流明處鴈初飛蕭條落

葉垂楊岸隔水寥々聞擣衣

逐波雲影參差遠背日嵐光隱見深猶似翠中連

海樹月生湖水

一作上

是山陰

舊山認得烟氣近湖水平鋪碧岫間喜見雲泉還

悵望自慚山叟不歸山

翠岷幽谷分明處倦鳥歸山在眼前悵悵白頭為

四老遠隨塵土去伊川

重到惠山

再到石泉寺內有禪師鑒玄影堂在寺南峰下頃年興此僧同在惠

山十年鑒玄壽春初訪回迺舊歎

碧峰依舊松筠老重得經過已白頭俱是海天黃

葉信兩逢霜節菊花秋望中白鶴憐歸翼行處青

苔恨昔遊還向竹牕名姓下數行添記別離愁

分為二絕句誤

鑒玄影堂

香燈寂寞細塵中煩惱身須色界空龍鉢已傾無
法兩虎床猶在有悲風定心地上浮泡沒招手若
遺夢幻通溪夜月明松子落儼然聽法待生公

別石泉

在惠山寺松竹之下甘泉乃人間天
液清澄鑒肌膚含漱開神慮茶得此

水皆
芳味

素沙見底空無色青石潛流暗有聲微度竹風涵
浙瀝細浮松月透輕明桂迎秋露添靈液若拆香
芽泛玉英應是梵宮連洞府浴池今化醴泉清

別雙溫樹

杜年于惠山書房前植今已喬林
數尋干雲葱翠蔭日此樹彩道江

多苑有
題丹橘

翠條盈尺憐孤秀植向西窗待月軒輕翦綠絲秋
葉暗密扶纖幹夏陰繁故山手種空懷想溫室心
知不敢言者爾拂雲今得地莫隨陵谷改溪根

重別西湖

東去日前別湖中雙鷗鵲翡翠早
梅詩三題及西來則鵲鵲翡翠悉

皆翔失梅裏秋
葉重起前喚耳

浦邊梅葉看凋落波上雙禽去寂寥吹管曲傳花
易失纖文機學羽難飄雪欺春早催芳萼隸秋
溪拂翠翹繁艷彩毛無處所盡成愁嘆別谿橋

毗陵東山

東山在毘陵縣南連而錦即獨孤
及在郡所置荒廢已久至孟公簡

重修石川花木樹竹皆可玩孟公在郡日
余以校書郎從後同宴于此今則荒廢仍

昔人別館淹留處卜築東山學謝家叢桂半空摧
枳棘曲池平盡隔烟霞重開漁浦連天日更種春
園滿地花依舊秋風還寂寞數行衰柳宿啼鴉

建元寺

寺在常州東郭松扉竹院各在岡阜
地甚疎通接郭外每歲寒食里人酒

掃經過之所大曆中詩人郭鄭曾賦寒食
詩贈吏部先兄詩云蘭陵士女滿晴川郊
外紛上拜古堦萬井人家初禁火九原松
栢自生烟人間後事非前事鏡裏今年老
去年介子終知祿不及王孫誰復更相憐
當時以為絕唱嘗在童兒即聞此詩非欲
繼和蓋記

寺因書

江城物候傷心地遠寺經過禁火辰芳草壠邊回

首客野花叢裡斷腸人
紫荊繁艷空門晝紅藥
溪開古殿春嘆惜光陰
催白髮莫悲風月獨沾巾

却到金陵登北固亭

龍形江影隔雲深
虎勢山光入浪沉
潮蹙海風驅萬里日浮天
整洞千尋衆峰作限橫
空碧一柱中維徹底金
還叱楫師看五面莫令
辜負濟川心

望鶴林寺

仍歲往來寺迫皆不
得往元和初在故度
支尚書兄賓府多回
閑暇

經道北寺寺內有木
蘭杜鵑繁茂人言至
今猶未衰歇

鶴栖峰下青蓮宇
花發江城世界春
紅照日高殷奪火紫凝露曙
葉朝當作塵每思載酒悲前事
欲

問題詩想舊身自嘆秋風勞物役白頭拘束一閑人

宿瓜洲

烟昏水郭津亭曉迴望金陵若動搖衝浦迴風翻宿浪照沙低月歛殘潮柳經寒露看蕭索人改衰容自寂寥官冷猶諳唯旅館歲陰輕薄是涼颼

入揚州郭

潮水舊通揚州郭內大厓已後潮信不通李頎詩鵲鵲山頭片雨晴

揚州郭裏見潮生此可以驗也

菊芳沙渚殘花少柳過秋風墜葉疎堤繞門津喧井市路交村陌混樵漁長街主客呼童僕欲指潮

拜宣武軍節度使

開成元年六月二十六日

三日中使劉春押送旌節止洛陽五日赴

鎮出都門城內少長士女相送者數萬人

至白馬寺涕泣當車者不可止少戶嚴元

客觀齊吏市人恐其戀慕留臺御史杜牧

油幢並入虎旗開錦橐從天鳳詔來星應魏師新

鼓角地嫌梁苑舊池臺日暉紅旆分如電人擁青

門動若雷伊洛鏡清迴首處是非紛雜任塵埃

到宣武三十韻

七月十二日到汴州是月鄭

日至圃田天雨已餘至十二日

國音秋稼碩茂軍禮亦成矣

七月趨梁苑三川謝尹京舊風除物蠹新律奉師

貞龍節雙油重蛇矛百練明躍魚遭後旆騰虎躍
前旌路轉金神並川開鐵馬橫擁旄差白羽分轡
引紅纓在後風烟接維高鞏洛嶸貫魚奔騎疾連
鴈卷行輕烟壘風調角秋原雨洗兵宿雲看布甲
疎柳見分營鼓徹通宵警和門候曉晴虎符三校
列魚曹萬夫迎弄馬猿猱捷奔車角觝呈駕肩傍
隨道張幕內連櫓森戟承三令攢戈退一聲及却
知雨過觀俗辨風行望來憐思女遊梁念客卿義
夫留感激公子播英名澤廣豚魚洽恩宣愷悌生
善師忘任智中略在推誠式宴歌鍾合陳筵綺綉

并戲顰千卒躍均酒百壺傾樂興師徒共歡從并
邑盈數通目漸染人悅尚和平授戢懸分閫登壇
荷列城虛裏朝獨坐雄劒夜孤鳴白髮侵霜變丹
心捧日驚衛青終保志滿岳未忘情期月終迷化
三年詎有成惟看波海動天外斬長鯨